

ԳԱՎԱՌԻ ԱՎԱԳ ԴՊՐՈՑ ՎԿ

ԱՎԱՐՏԱԿԱՆ ՀԵՏԱԶՈՏԱԿԱՆ ԱՇԽԱՏԱՆՔ

Թեմա՝ Նախագծային մեթոդի արդյունավետությունը մայրենի լեզվի ուսուցման դասաժամերին

Աշխատության հեղինակ՝ Մալխասյան Ելենա Արմենի
Աշխատանքի ղեկավար՝ Հակոբյան Լիլիկ Երվանդի

ԳԱՎԱՌ 2023

ԲՈՎԱՆԴԱԿՈՒԹՅՈՒՆ

Ներածություն.....3

Գլուխ 1

Մայրենի լեզվի կարևորությունը և նախագծային մեթոդի կիրառման
անհրաժեշտությունը մայրենիի ուսուցման արդյունավետությունը բարձրացնելու մեջ:-5

Գլուխ 2

«Մեվանա լիճը» թեմայի ուսումնասիրություն նախագծային մեթոդի կիրառմամբ-----7

Եզրակացություններ.....14

Օգտագործված գրականության ցանկ.....15

ՆԵՐԱԾՈՒԹՅՈՒՆ

Հայտնի է, որ հանրակրթության առաջնային նպատակը սովորողների մտավոր, հոգևոր, ֆիզիկական և սոցիալական կարողությունների համակողմանի ու ներդաշնակ զարգացումն է: Առաջնահերթ է սովորողների համար անհրաժեշտ գիտելիքների, կարողությունների և հմտությունների ձևավորումն ու զարգացումը: Ներկայիս կրթական բարեփոխումները և դրանցից բխող պահանջները մեծապես պայմանավորված են նաև սովորողների նախաձեռնողական և սովորել սովորելու կարողունակության խթանմամբ, ինչը անգնահատելի դեր ունի սովորողների անձի ձևավորման, զարգացման ապահովման, մտավոր առաջընթացի, բարոյահոգեբանական որակների դաստիարակման և արժեքային համակարգի ձևավորման գործում:

Նկատի ունենալով այն հանգամանքը, որ մեր երկրում ամենօրյա ռեժիմով արդիականացվում է կրթական համակարգը՝ անհրաժեշտ ենք համարում նշել, որ այդ արդիականացման ճանապարհին մեծապես կարևոր են նաև մանկավարժամեթոդական հնարների, դասի տարբեր տիպերի ու ձևերի կիրառումը դպրոցում:

Ժամանակակից տեղեկատվական տեխնոլոգիաների բազմաբովանդակ իրականության մեջ սովորողներն ավելի նախաձեռնող են դարձել գիտելիք ստանալու, այդ գիտելիքը կիրառելու առումով, ինչը մեծապես պայմանավորված է տեղեկատվական հոսքերի հասանելիությամբ, իսկ ավանդական ուսուցչակենտրոն դասն այլևս դժվարանում է բավարարել սովորողների հիմնական մասի կրթական պահանջմունքները:

Հանրակրթության պետական նոր չափորոշյով սահմանվել են ութ կարողունակություններ, որոնց զարգացման ամենաարդյունավետ մեթոդը նախագծային մեթոդն է:

Նախագծային ուսուցման ներդրումը ՀՀ կրթական համակարգում կարևորագույն քայլ է, որը սովորողների ինքնուրույնությունն ու նախաձեռնողականությունը խթանելու արդյունաշատ գործիք կարող է դառնալ ուսուցչի համար:

«Նախագիծ» (Projet) բառը ֆրանսերենից թարգմանված նշանակում է «դեպի առաջ», «Ճանապարհ դեպի նպատակ»: Նախագծային մեթոդը մանկավարժության մեջ առաջացել է անցյալ դարի 20-ական թվականներին ԱՄՆ-ում: Այն կոչվում է նաև խնդիրների մեթոդ: Հեղինակն է Ջոն Դյուին[1]:

Հետազոտության թեմայի արդիականությունը տեսական գիտելիքի ու գործնական կիրառության կապի ապահովումն է:

Ըստ Ջոն Դյուի՝ «Կրթությունը պատմելը և պատմությունները լսելը չէ, այն ակտիվ և կառուցողական գործընթաց է»:

Նախագծային մեթոդը ուսուցման այնպիսի եղանակ է (մեթոդ է), որի դեպքում սովորողն անմիջապես ներառվում է ակտիվ իմացական գործընթացի մեջ, ինքնուրույն ձևակերպում է իր խնդիրը, իրականացնում անհրաժեշտ տեղեկատվությունների հավաքագրում, վերլուծում է սեփական գործունեությունը, եզրակացություններ անում, պլանավորում խնդրի լուծման տարբերակները և արդյունքում ձեռք բերում նոր գիտելիքներ և կենսափորձ: Սովորողի դերը մոտիվացնող է: Պասիվ լսողից նա դառնում է ակտիվ մասնակից, հետազոտող, գործունեություն ծավալող, հայտնագործող: Սովորողը կարողանում է զգալ սովորածի օգտակարությունը և վայելել գիտելիք ունենալու հմայքը ու աշխատանքի արդյունքի բերկրանքը: Նախագծային մեթոդը թույլ է տալիս լուծել իրական կյանքին առնչվող խնդիրներ: Ըստ չինական հայտնի ասացվածքի՝ «Պատմի՛ր ինձ, և ես կմոռանամ, ցույց տուր ինձ, և ես կհիշեմ, ներգրավիր ինձ, և ես կսովորեմ»:

Մեծ է նախագծային ուսուցման դերը ԿԱՊԿՈՒ աշակերտների համար, քանի որ հնարավորություն է ընձեռնվում խնդրի լուծման տարբեր մոտեցումներ կիրառել, ներգրավել տարբեր մասնագետներ և ծնողներ: Դպրոցական ծրագրում ներառելով՝ հավասար հնարավորություններ են ստեղծվում բոլոր սովորողների համար, քննադական մտածողությամբ, բազմակողմանի զարգացած՝ 21-րդ դարի մարտահրավերներին պատրաստ քաղաքացի ձևավորելու համար:

Հետազոտության նպատակը:

Ուսումնասիրել նախագծային մեթոդի կիրառությունը մայրենի լեզվի դասավանդման ժամանակ՝ հաշվի առնելով սովորողների տարիքային առանձնահատկությունները:

Հետազոտության խնդիրը:

• սովորողների մոտ ձևավորել՝ վերլուծական մտածողություն որոշումներ կայացնելու, տեղեկատվություն ստանալու և օգտագործելու, պլանավորելու կարողություններ

- զարգացնել քննադատական մտածողություն, հաղորդակցման և համագործակցային հմտություններ
- բարելավել մայրենի լեզվի իմացությունը

**ԳԼՈՒԽ 1. ՄԱՅՐԵՆԻ ԼԵԶՎԻ ԿԱՐԵՎՈՐՈՒԹՅՈՒՆԸ ԵՎ ՆԱԽԱԳԾԱՅԻՆ
ՄԵԹՈԴԻ ԿԻՐԱՌՄԱՆ ԱՆՀՐԱԺԵՇՏՈՒԹՅՈՒՆԸ ՄԱՅՐԵՆԻ ՈՒՍՈՒՑՄԱՆ
ԱՐԴՅՈՒՆԱՎԵՏՈՒԹՅՈՒՆԸ ԲԱՐՁՐԱՑՆԵԼՈՒ ՄԵԶ**

Մեծ մանկավարժ Կ. Ուշինսկին ասել է. «Ուսումնասիրելով մայրենի լեզուն՝ միայն պատմական հնչյուններ չէ, որ սովորում է երեխան, այլև հոգևոր կյանք և ուժ է ըմպում մայրենի լեզվի մայրական կրծքից... Եթե մի լեզու, որով սկսում է խոսել երեխան, հակասում է նրա ազգային՝ բնածին բնավորությանը, ապա այդ լեզուն երբեք այն ուժեղ ազդեցությունը չի գործի նրա հոգևոր զարգացման վրա, ինչպիսին կգործեր նրան հարազատ լեզու, երբեք չի ներթափանցի նրա հոգու և մարմնի մեջ, երբեք չի արձակի այնպիսի խոր, փարթամ, առատ զարգացում խոստացող առողջ արմատներ»[2]:

Մայրենի լեզվի ուսուցման համար նախագծեր իրականացնելիս կարևոր է ընտրել թեմաներ, որոնք համապատասխանում են աշակերտների կյանքին և հետաքրքրություններին: Սա կօգնի նրանց մոտիվացնել և ավելի հաճելի դարձնել ուսուցման փորձը: Նախագծի միջոցով ուսուցումը կարող է հիանալի միջոց լինել աշակերտների համար ներգրավելու և օգնելու նրանց սովորել նոր բառապաշար և քերականական կառուցվածքներ իրենց մայրենի լեզվով: Նախագծային ուսուցման ժամանակ կարևոր է.

1. *Խրախուսել և համագործակցել.* Այստեղ շեշտը դրվում է համագործակցության և թիմային աշխատանքի վրա: Նախագծի վրա աշխատելիս աշակերտները կարող են միասին աշխատել՝ լուծելու խնդիրներ և կիսվելու իրենց գաղափարներով: Սա ոչ միայն օգնում է բարելավել իրենց լեզվական հմտությունները, այլ նաև օգնում է նրանց

զարգացնել սոցիալական հմտություններ, ինչպիսիք են հաղորդակցությունը և համագործակցությունը:

2. *Տրամադրել իրական փորձի օրինակ.* Աշակերտներին իրական աշխարհի փորձառություններ տրամադրելը կարող է օգնել ամրապնդել նրանց լեզվական հմտությունները և զարգացնել վստահությունը: Օրինակ, աշակերտները կարող են հարցազրույցներ վարել կամ ստեղծել տեսանյութեր, ներկայացումներ ստեղծել իրենց մայրենի լեզվով:

3. *Օգտագործել տեխնոլոգիա.* Տեխնոլոգիան կարող է հիանալի գործիք լինել մայրենի լեզվի ուսուցման արդյունավետության բարձրացման համար: Այն կարող է օգտագործվել մուլտիմեդիա նախագծեր ստեղծելու համար, ինչպիսիք են տեսանյութերը կամ փողբաստները, որոնք կարող են սովորելու գվարճալի և գրավիչ միջոց լինել:

4. *Տրամադրել հետադարձ կապ.* Հետադարձ կապը այս մեթոդի կարևոր բաղադրիչ է: Ուսուցիչները կարող են հետադարձ կապի միջոցով գնահատական տալ աշակերտների աշխատանքին և օգնել նրանց բացահայտել բարելավման ենթակա ոլորտները: Աշակերտները ևս կարող են անդրադառնալ իրենց ուսումնական փորձառություններին և բացահայտել ռազմավարությունները, որոնք են ավելի լավ արդյունք ապահովել:

Արդյունավետ ուսուցման կարևորագույն պահանջներից են ինտեգրված ուսուցումը, քննադատական մտածողության զարգացումը, պատճառաբանված ուսուցումը (ինչն^ո է սովորում, որտե^ո է կիրառելու): Այս արդյունավետ ուսուցման պահանջները օգտագործում են մի համալիր մեթոդ՝ նախագծային մեթոդը, որի ըմբռնման հիմնադրույթն է. «Այն ամենը, ինչ սովորում եմ, գիտեմ, թե ինչի համար է ինձ անհրաժեշտ, որտեղ և ինչպես կարող եմ կիրառել այդ գիտելիքները»:

Նախագծային աշխատանքներում ակնառու է մայրենի լեզվի ուսուցման արդյունավետության բարձրացումը: Նախագծային աշխատանքը հանգեցնում է լեզվի նպատակային օգտագործման: Սովորողները նյութը փնտրում են, ընտրում կարևորը, կատարում մտքերի փոխանակում գրավոր կամ բանավոր խոսքով՝ զարգացնելով 4 հմտություններ՝ կարդալ, գրել, լսել, խոսել: Հարստանում է բառապաշարը, տեսնում ուսումնասիրվող առարկայի ամբողջական պատկերը: Կատարելով՝ համեմատում-վերլուծություն-եզրահանգում սովորողների մոտ զարգանում է խոսքը, քննադատական

մտածողությունը: Նախագծային մեթոդն անհրաժեշտություն է մայրենիի ուսուցման արդյունավետության մեջ, այն ընդգրկում է հաղորդակցական մոտեցման 3 հիմնական տարրեր.

1. Մոտիվացիա՝ ինչպես են աշակերտները վերաբերվում առաջադրանքին
2. Արդիականություն՝ ինչպես են սովորողները վերաբերվում լեզվին
3. Մտահոգություն՝ կրթական արժեքների նկատմամբ, ինչպես է լեզվի ուսումնական ծրագիրը առնչվում սովորողի ընդհանուր կրթական զարգացմանը:

ԳԼՈՒԽ 2: «ՄԵՎԱՆԱ ԼԻՃԸ» ԹԵՄԱՅԻ ՈՒՍՈՒՄՆԱՍԻՐՈՒԹՅՈՒՆ

ՆԱԽԱԳԾԱՅԻՆ ՄԵԹՈՂԻ ԿԻՐԱՌՄԱՄԲ

Մայրենի լեզվի ուսուցման ժամանակ VI դասարանում ուսումնասիրվում է Սևանա լիճ թեման: Սևանը հայկական բնության հրաշք զարդերից է: Սևանը մեծ դեր ունի երկրի տնտեսության մեջ: Սառնորակ ու քաղցրահամ ջրերն օգտագործվում են խմելու, որոգման, էլկտրաէներգիա ստանալու համար:

Ջինջ է Սևանը անամպ օրերին, այն հազար գեղեցկություն ունի տարվա բոլոր պահերին:

Սակայն Սևանա լիճը լուրջ հոգսեր ունի: Անհրաժեշտ է հանուն Սևանի հնչեցնել բոլոր զանգերը...[3]

Նախքան նախագծային մեթոդի կիրառումը, թեմայի շրջանակներում իրականացրել ենք դաս՝ *համատեղ դասավանդման մոդել՝ թիմային դասավանդում* եղանակով:

Դասի պլան

Ուսուցիչ՝ Ե. Մալխասյան Առարկա՝ Մայրենի Դասարան՝ 6-րդ
Դասի թեմա- Մարգո Ղուկասյան «Ուր է կղզյակն Սևանա» էջ 116
Գեղարվեստական և գիտական խոսք, էջ 115

Դասի նպատակը.

Ուսուցանող- տարբերել գեղարվեստական և գիտական խոսքը, ամրապնդել Սևանա լճի մասին գեղարվեստական և գիտական տեղեկությունները, տեղեկանալ լճի այսօրվա վիճակի մասին, առաջարկել հնարներ լճի պահպանման համար:

ԿԱՊԿՈՒ սովորողները իմանան լճի մասին մի քանի կարևոր փաստ:

Դաստիարակչական- յուրաքանչյուր աշակերտ արժևորի Սևանա լճի նշանակությունը և կարևորությունը հայ ժողովրդի կյանքում, կարևորի լճի պահպանմանը առնչվող յուրաքանչյուր ծրագիր:

Զարգացնող-նպաստել աշակերտների ընդհանուր ուսումնական և հատուկ կարողությունների, բանավոր խոսքի զարգացմանը:

Դասի տեսակը.-Համատեղ դասավանդման մոդել՝ թիմային դասավանդում: Նպատակը՝ մասնագիտական հմտությունների փոխանակում, նպատակաուղղված համագործակցություն:

Դասի տիպը- գիտելիքների, կարողությունների և հմտությունների կատարելագործման դաս:

Ընտրված մեթոդներ- Հարց ու պատասխան, Աշխատանք գույգերով:

Անհրաժեշտ պարագաներ- համակարգիչ, ՀՀ քարտեզ, գրենական պիտույքներ:

Դասի ընթացքը

Խթանում- Հանձնարարել դասը մաս-մաս կարդալ, ուշադրությունը կենտրոնացնել գեղեցիկ և առոգանությամբ կարդալու հմտության վրա: 7ր.

Նոր նյութի ներկայացում- Կիրառել «Հարց ու պատասխան» մեթոդը. սահիկաշարով ցուցադրել Սևանա լճի նկարներ և ուղղել հարց՝ ծանոթ է: Լսել պատասխանները, ապա հնչեցնել հաջորդ հարցը. ինչպիսի՞ բառերով և բառակապակցություններով կբնորոշեք Սևանը: Բերել մեկ օրինակ, լսել պատասխանները: Ի՞նչ գեղարվեստական ստեղծագործություններ գիտեք Սևանա լճի մասին:

ԿԱՊԿՈՒ աշակերտներին Սևանա լճի մասին ուղղել պարզ հարցեր: 5ր.

Ապա աշակերտների համար ընթերցել Վախթանգ Անանյանի «Սևանի ափին» ստեղծագործությունից հատված: /Մալխասյան/ 3ր.

Ուղղել հարց. ի՞նչ գիտեք լճերի մասին, լսել պատասխանները: Ներկայացնել գիտական տեղեկություններ Սևանա լճի մասին, օգտագործել ՀՀ քարտեզը՝ լճի մասին աշխարհագրական տեղեկություններ ներկայացնելու նպատակով: /Սահակյան/ 5ր.

Հնչեցնել հարց. ի՞նչ նկատեցիք երկու ուսուցիչների խոսքում: Վերհիշել գիտական և գեղարվեստական խոսքի առանձնահատկությունները: /Մալխասյան/ 3ր.

Ուղղորդված գործնական աշխատանք Կիրառել «Աշխատանք զույգերով» մեթոդը. աշակերտներին բաժանել քարտեր և հանձնարարել որոշել, թե տրված նախադասությունները խոսքի ո՞ր տեսակին են պատկանում, ապա թերթիկը ամրացնել գրատախտակին նախօրոք գծված աղյուսակի ընտրված հատվածում: Վերջում հանձնարարել նաև դասավորել նախադասությունները ճիշտ հերթականությամբ և ընթերցել: /Մալխասյան, Սահակյան/ 10ր.

Ինքն. աշխատանք Հարցերի միջոցով անդրադառնալ դասանյութում արձածված խնդիրներին, ապա հանձնարարել կատարել վարժություն 5-ը, էջ 118: 5ր.

ԿԱՊԿՈՒ աշակերտներին հանձնարարել դասանյութից կատարել արտագրություն:

Կշռադասում ընթերցել հանձնարարված աշխատանքը, քննարկել: /Մալխասյան, Սահակյան/ 5ր.

Տնային աշխատանք Մարգո Ղուկասյան «Ու՞ր է կղզյակն Սևանա» էջ 116 կարդալ, պատմել, վարժ.4:

Գնահատում Կատարել ձևավորող գնահատում՝ հետադարձ կապ ապահովելով թեմայի շուրջ գիտելիքների ներկայացման ընթացքում: Կատարել միավորային գնահատում՝ ըստ չափորոշչի: 2ր.

Թեմայի ուսումնասիրությունը իրականացրել ենք նաև **Նախագծային մեթոդի** կիրառմամբ.

Նախագծի թեման՝ «Սևանա լիճ»

Արդիականությունը՝ Սևանա լճի գույնի փոփոխությունը, ճահճացումը, լճափնյա տարածքների աղտոտվածությունը կարող են տանել լճի ծերացման, որը շատ վատ հետևանքներ կարող է ունենալ մեզ համար, մեր հայրենիքի համար:

Հիմնախնդիրների ուսումնասիրությունն ու համախմբված օգնությունը կարևոր են Սևանա լճի ջրերի մաքրման և լիճը ծաղկելուց փրկելու համար:

Տեսակն ըստ բովանդակության՝ տեղեկատվական-ստեղծագործական

Տեսակն ըստ ժամանակի՝ կարճաժամկետ

Տեսակն ըստ մասնակիցների քանակի՝ խմբային /4-5աշակերտ/

Աշխատանքի ձևը՝ արտադասարանական հետազոտություններ, դասարանական քննարկումներ, ընդհանրացնել և համակարգել ուսումնասիրված թեմայի վերաբերյալ գիտելիքները և ներկայացնել:

Նպատակը՝

1. Ակտիվացնել ստեղծագործական ներուժը, քննադատական մտածողությունը
2. Տիրապետել Սևանա լճի մասին ամբողջական տեղեկատվությանը, բացահայտել հիմնախնդիրները, ձևավորել առաջարկություն անելու հմտություններ
3. Ըմբռնել բնության և մարդու փոխկապվածությունը
4. Հայրենաճանաչություն

Խնդիրները

- ✓ Մեղիա դաշտից ճիշտ օգտվելու և տեղեկատվության համակարգում
- ✓ Համագործակցության արժևորում, սովորել սովորելու կարևորության գիտակցում
- ✓ Քայլաշարով աշխատելու, դժվարությունները հաղթահարելու, անդրադարձ կատարելու, առաջարկություն անելու, բանավիճելու հմտության դրսևորում
- ✓ Գեղեցիկ, գրագետ արտահայտվելու և ստեղծագործաբար ներկայացնելու կարողության զարգացում:

Նախագծային մեթոդով թեմայի ուսումնասիրության ավարտին աշակերտները պետք է կարողանան գրագետ, ամբողջական պատկերով ներկայացնել Սևանը, կատարել առաջարկություններ և ցուցաբերել ստեղծագործական մոտեցում՝ հասկանալով իրենց դերը շրջակա միջավայրի պահպանության գործում:

Ինտեգրված առարկաներ՝ «Մաթեմատիկա», «Երաժշտություն», «Կերպարվեստ», «Տեխնոլոգիա», «Աշխարհագրություն»:

Նախագծի կատարման փուլերը

Առաջին փուլ: Նախապատրաստում.

Մուտքի գրույց՝ հետևյալ նպատակներով

- Սևանա լճի մասին սկզբնական պատկերացման ձևավորում
- Տվյալ թեմայի նկատմամբ հետաքրքրության ձևավորում /մոտիվացիայով/
- Հետագա ստեղծագործական գործունեության համար հնարավորությունների և պայմանների ստեղծում

Տեղեկատվության սկզբնաղբյուրների որոշում	Տեղեկատվական սկզբնաղբյուրների ճշգրտում	Հետազոտողների տվյալների հավաքագրում, արձանագրում, խմբում քննարկումներ	Մեդիա դաշտում ճիշտ կողմնորոշվելու հմտությունների ձևավորում
Հավաքագրում, ընթացիկ խնդիրների լուծում	Հանդիպման կազմակերպում «Կենսաբանություն» և «Աշխարհագրություն» առարկաների ուսուցիչների հետ՝ թեմայի լուսաբանում	«Արվեստասերներ»ի խումբ՝ գեղարվեստական ստեղծագործությունների որոնողական աշխատանքներ	Կարողունակությունների ձևավորում՝ սովորել սովորելու, համագործակցելու, ժողովրդավարական և քաղաքացիական
Ամփոփիչ արդյունքների պլանավորում	Գործունեության ղեկավարում		
Պարտականությունների բաշխում	Առանձին խմբերի հետ աշխատանք		

Երկրորդ փուլ: Նախագծային և հետազոտական աշխատանքների կազմակերպում

Արդյունքների և տեղեկատվության վերլուծություն, եզրակացության ձևակերպում	Եզրահանգում, դիտարկումներ, խորհուրդներ	Տեղեկատվության վերլուծություն, արդյունքների ձևակերպում	Սովորել սովորելու, լեզվական, մաթեմատիկական, ժողովրդավարական և քաղաքացիական, մշակութային, տնտեսական կարողունակություններ
--	--	--	---

Երրորդ փուլ: Պատրաստի արդյունքների ներկայացում

<p><u>Տարաբնույթ ձևերով արդյունքի ներկայացում.</u></p> <ul style="list-style-type: none">✓ Դաս 1- ծանոթացում խմբերի աշխատանքներին✓ Դաս 2- յուրաքանչյուր խումբ ներկայացնում է իր աշխատանքը՝ սահիկաշարերով
<p><u>Ծանոթացում պատրաստի աշխատանքներին</u></p> <ul style="list-style-type: none">✓ Հարցերի ձևակերպում որպես մասնակից
<p><u>Հաշվետվություն խմբերով</u></p> <ul style="list-style-type: none">✓ «Պատմաբաններ»- ներկայացնել Սևանա լճի անվանը վերաբերող ավանդազրույցներ, լճի առաջացման պատմություններ✓ «Աշխարհագրագետներ» կիրառել գիտական խոսք. Ներկայացնել Սևանա լճի տարածքային տվյալները/ գործնական աշխատանք՝ Սևանա լճի մանրակերտի պատրաստում✓ «Կենսաբաններ» ներկայացնել Սևանա լճի բուսական և կենդանական աշխարհը/ գործնական աշխատանք՝ Մաքուր ջուրը կյանքի աղբյուր է✓ «Արվեստասերներ» ներկայացնել արձակ և չափածո ստեղծագործություններ, հանելուկներ Սևանի մասին✓ «Բնապահպաններ» Ներկայացնել Սևանա լճի հիմնախնդիրները, առաջարկել խնդիրների վերացման ուղիներ, նամակներ բնապահպանական կազմակերպություններին՝ «Չքնաղ Սևանի հորդորը»
<ul style="list-style-type: none">✓ Լեզվական կարողություն և գրագիտություն✓ Սովորել սովորելու կարողունակություն✓ Ինքնաճանաչողական և սոցիալական կարողունակություն✓ Ճողովրդավարական և քաղաքացիական կարողունակություն✓ Թվայի և մեդիա կարողունակություն✓ Մշակութային կարողունակություն✓ Տեսական կարողունակություն

Չորրորդ փուլ: Գործողությունների և աշխատանքի արդյունքի գնահատում

- ✓ Սովորողների ջանքերի, մտածողության, սկզբնաղբյուրների օգտագործման որակի, գրագետ, գեղեցիկ և ստեղծագործաբար ներկայացնելու գնահատում
- ✓ Մասնակցություն գնահատման գործընթացին՝ կոլեկտիվ քննարկման և ինքնագնահատման միջոցով:

Գործնական աշխատանք 1

«Աշխարհագրագետներ» - Սևանի շրջակա լեռնաշխարհի տարածական պատկերում՝ մանրակերտի ցուցադրում:

Գործնական աշխատանք 2

«Կենսաբաններ» - համեմատելով 2 ջրամանների փորձարկման արդյունքները՝ պարզաբանեցին 2-րդ ջրամանի «աղտոտված» ձկների սատկելու պատճառները՝ անդրադառնալով Սևանի հիմնախնդիրներին[4]:

Եզրակացություն

Այս հետազոտական աշխատանքի արդյունքում կատարեցի հետևյալ եզրահանգումները՝

- ✓ Նախագծային մեթոդի ներդրում դպրոցներում էական կերպով նպաստում է կրթության որակի բարձրացմանը, որը պայմանավորված է մեթոդի աշակերտակենտրոն լինելու հանգամանքով
- ✓ Նախագծային աշխատանքը նպաստում է երևակայության, հիշողության, ինքնաճանաչողության, մտածողության զարգացմանը
- ✓ Նախագծային աշխատանքը նպաստում է նաև համագործակցային կարողությունների ձևավորմանը, նաև արթնացնում ոգևորություն
- ✓ Նախագծային ուսուցումը նպաստում է նյութի արդյունավետ յուրացմանը:

Նախագծային աշխատանքը կատարվում է մայրենի լեզվով, որով հաղորդակցվում են խմբով, կարդում նյութը, պարզում նորածանոթ բառերի իմաստները, շարադրում մտքերը՝ իրար օգնելով, իսկ սովորել սովորեցնելու մեթոդով ավելի լավ են սովորում: Տեղեկատվական տիրույթում ընտրում են ամենապահանջված նյութերը, տեղեկատվությունը, ապա համատեղ մշակում են դրանք: Կարևորվում է գեղեցիկ խոսքը:

Վերը նշված երեք դրական եզրահանգումները պարարտ հող են ստեղծում սովորել սովորեցնելու մեթոդով ավելի լավ տիրապետելու համար մայրենիին:

«Սևանա լիճը» նախագծային աշխատանքով ավելի ակնառու էր մայրենիի ուսուցման արդյունավետությունը: Թեման յուրացրել էին նաև համագործակցային խմբերը, նաև մյուս խմբերը: Կարողացան խմբերով գեղեցիկ ներկայանալ և ներկայացնել իրենց վերջնարդյունքները:

Նրանց հոգում ծլարձակում էր մայրենին՝ սնվելով նաև այլ առարկաների նորանոր բառերով և մտքերով...

Մայրենիի ուսուցումը միանշանակ արդյունավետ է նախագծային ուսուցման մեթոդով:

Օգտագործված գրականության ցանկ

1. Կ. Թորոսյան, Կ. Չիբուխյան «Գործնական աշխատանքներ մայրենից», «Զանգակ» հրատարակչություն, 2012թ էջ 17-26
2. Հ. Լ. Հարությունյան «Հետաքրքրաշարժ հայոց լեզու»: «Լույս» հրատարակչություն, 1975 էջ 3
3. «Ի՞նչ է, ո՞վ է» հանրագիտարան, հատոր 4, Երևան, 1987 էջ 134-136
4. Կ. Թորոսյան, Կ. Չիբուխյան «Գործնական աշխատանքներ մայրենից», «Զանգակ» հրատարակչություն, 2012թ